

Jafrennou (Taldir) Karnoed 1879 – Bergerac 1956).

Fealded. 1912.

Modernnaet eo bet an doare-skriva.

Fealded

Kollet gantañ e verh-vihan
An Tad-koz a houzañv poan
 En e galon ;
Hag e zaoulagad leun a zour
A glaske dre-oll eur sikour
 Hag eur mignon.

Mez mignoned, na sikour-vad
N'o-deus trehet e huanad
 Nag e anken ;
Hag ar Gourener dibaouez
A rankas koueza 'n e hourvez
 Heb esper ken.

Hogen ar Vretoned a Vreiz
Evid ar re, gand e oll feiz,
 En-deus stourmet
A frealzo en e gozni,
Loeiz TIERCELIN, dre desteni
 O fealded.